



Verwysing: 20210505-2700
Lêerno.: 3/3/3/2
Navrae: NP Funani

Strategiese Mensbestuurminuut: 0004/2021

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en eksamenkoördineerders, Vakadviseurs, en Prinsipale

Onderwerp: Distriksgebaseerde Funza Lushaka-beurse vir studente in die Wes-Kaap vir 2022

1. Die Wes-Kaap Onderwysdepartement (WKOD) wil graag hiermee die beskikbaarheid van 66 buitengewone distriksgebaseerde Funza Lushaka-beurse aankondig vir die 2022-akademiese jaar vir graad 12-leerders wat van voorneme is om 'n formele onderwyskwalifikasie te verwerf.
2. Die Departement van Basiese Onderwys (DBO) se Funza Lushaka-beursskema voorsien hoogpresterende leerders van 'n volkoste beurs wat klasgelde, verblyf met maaltye, 'n handboektoelaag, notas en laboratoriumgelde (waar van toepassing) dek, sowel as 'n maandelikse toelae om basiese lewenskoste te dek.
3. Die Funza Lushaka-beursskema is 'n veeljarige program wat in 2007 van stapel gestuur is om onderrig as beroepskeuse in openbare skole vir bekwame en toegewyde Suid-Afrikaners te bevorder. Die program word plaaslik by die Universiteit van Wes-Kaapland, die Universiteit van Stellenbosch en die Kaapse Skiereiland Universiteit van Tegnologie bestuur.
4. In 2012, het die DBO 'n distriksgebaseerde werwingsprogram bekendgestel met die fokus op leerders vanuit arm gemeenskappe (leerders by skole wat geen skoolgeld vra nie of leerders wat van die betaling van skoolgeld kwytsgekeld is) om hulle te help om toegang tot die Funza Lushaka-beursskema te verkry. **Die 66 buitengewone beurse sal slegs toegeken word aan studente wat bereid is om by skole in landelike gebiede onderrig te gee, met inagneming van die behoeftes van landelike onderwysdistrikte.**

5. Die toekenning van 'n Funza Lushaka-beurs is onderworpe aan die volgende voorwaardes:
- (a) Die program sal studente wat in die volgende rigtings wil spesialiseer, finansier:
 - i) **BEd: Grondslagfase, met spesialisering in:** Tale (Xhosa, Afrikaans, Engels).
 - ii) **BEd: Intermediêre fase, met spesialisering in:** Tale, Wiskunde, Tegnologie en Natuurlike Wetenskappe.
 - iii) **BEd: Senior fase, met spesialisering in:** Tale (hoofsaaklik Engels), Wiskunde, Tegnologie, Lewenswetenskappe en Natuurlike Wetenskappe.
 - iv) **BEd: Verdere Onderwys en Opleiding-fase, met spesialisering in:** Tale (hoofsaaklik Xhosa), Wiskunde, Fisiese Wetenskappe, Lewenswetenskappe, Kreatiewe Kunste, Landbou, Siviele Tegnologie, Elektriese Tegnologie, Ingenieursgrafika en Ontwerp, Meganiese Tegnologie, Rekenaartoepassingstegnologie, Tegniese Wiskunde, en Tegniese Wetenskappe.
 - (b) Die beurs word vir een akademiese jaar op 'n slag toegeken, en met bewys van akademiese sukses kan dit jaarliks hernu word tot wanneer die ontvanger van die beurs as 'n opvoeder kwalifiseer. Daar sal van die beurshouer verwag word om jaarliks teen die einde van Oktober vir die volgende jaar heraanzoek te doen.
 - (c) Na afloop van die studiekursus sal die beurshouer versoek word om by 'n skool in 'n landelike gebied vir 'n tydperk van een jaar vir elke jaar wat hulle die beurs ontvang het, onderrig te gee.
6. Met inagneming van die sluitingsdatum van 30 September 2021 moet voornemende aansoekers voorts by die onderskeie hoëronderrigings (HOI's) om toelating aansoek doen, en aan die toelatingsvereistes van die verskeie HOI's, soos vermeld in paragraaf 3 hierbo, voldoen. Gebaseer op die volgende minimum akademiese kriteria, sal die beurse op meriete deur die keurkomitee by die WKOD se hoofkantoor in Kaapstad aanbeveel word:
- (a) 'n "Toelating tot Baccalaureusgraadstudies"-slaagsyfer op graad 12-vlak.
 - (b) Die aansoeker moet in 'n goedgekeurde BEd-graadkursus aanvaar word om in twee of meer van die prioriteitsareas te spesialiseer.
 - (c) Slaag Huistaal met 60% of meer, Eerste Addisionele Taal met 50% of meer en die ander vier vakke met 50%.
 - (d) Studente wat in die Grondslagfase wil spesialiseer, moet Wiskunde of Wiskundige Geletterdheid op graad 12-vlak slaag.
 - (e) Studente wat graag in die onderrig van tegniese vakke wil spesialiseer, moet 'n slaagsyfer in Wiskunde/Tegniese Wiskunde en Fisiese Wetenskappe/Tegniese Wetenskappe behaal.
7. Die sluitingsdatum vir aansoeke is 30 Julie 2021. Aansoekers moet aansoek doen deur die aanlyn aangehegte aansoekvorm by https://forms.office.com/Pages/ResponsePage.aspx?id=f790rsPPYEeh_gcxr6pVAhJlmt

b5hz5FiPdS4qjWdfdUNDk3QzVTUTNSWVY2VVJZUldPNEhERjdQNY4u in te vul en al die ondersteunende dokumente per e-pos in te dien by me. Malorato Mpiti – telefoonno. 021 467 2155, e-posadres: Malorato.Mpiti@westerncape.gov.za.

8. Bring asseblief die inhoud van hierdie minuut onder die aandag van alle graad 12-leerders.

GETEKEN: LJ ELY

ADJUNK-DIREKTEUR-GENERAAL: KORPORATIEWE DIENSTE

DATUM: 2021-05-20